



USLOVI/UVJETI I SMJERNICE KONKURSA ZA UWC STIPENDIJE 2022

Poštovani roditelji/staratelji i učenici/e,

Ovdje možete pronaći sve informacije o konkursu/natječaju za UWC stipendije 2022. Pažljivo pročitajte ovaj dokument kako bi vaša prijava bila potpuna i valjano ispunjena. Pri ispunjavanju online aplikacijskog formulara, pazite da odgovorite na sva pitanja, te da priložite sve dokumente koji su potrebni.

Prijave se primaju do 28. januara/siječnja 2022. godine.

Kandidati/kinje će o rezultatima finalne selekcije biti obaviješteni putem elektronske pošte.

S obzirom da je akademski plan i program na svim koledžima na engleskom jeziku, aplikacija je na engleskom jeziku!

Preporuke mogu biti napisane na jednom od službenih jezika Bosne i Hercegovine i prevedene, ili napisane na engleskom!

**ONLINE APLIKACIJSKI FORMULAR MOGUĆE JE ISPUNITI SAMO
JEDNOM!**

Skenirane PDF prijave poslane na e-mail **NEĆE BITI RAZMATRANE I NEĆE SE**

SMATRATI VALJANIM kao i nepotpune aplikacije.

Svi podaci koji se dostavljaju u okviru aplikacije su povjerljivi i dostupni samo članovima Nacionalnog komiteta.

Molimo Vas da sve informacije o selekcijskom procesu i aplikacijama uputite na email:

bihnc@bih.uwc.org

Pozivi ka UWC Mostar, djelatnicima i/ili osoblju škole **NISU** dozvoljeni.

*UWC NK (NC) BiH - UWC Nacionalni komitet BiH je zasebno tijelo sastavljena od članova/ica i volontera/ki, odvojeno od obrazovne ustanove Koledža ujedinjenog svijeta Mostar (UWC Mostar).

Sretno!

1. KRITERIJI ZA SELEKCIJU

Zainteresirani kandidati/kinje **MORAJU** ispunjavati sljedeće uslove/uvjete:

- biti državljani/ke BiH (sa prebivalištem u BIH) ili pohađati školu u BiH u posljednjih 5 godina;
- biti učenici/e drugog razreda četverogodišnje srednje škole;
- po završetku aplikacijskog perioda, biti uzrasta od 15 do 17 godina;
- imati odličan ili vrlo dobar opći uspjeh u školi (minimalan ukupan prosjek ocjena za sva tri polugodišta 4.0)

Zainteresirani kandidati/kinje **BI TREBALI** također ispunjavati sljedeće uslove/uvjete:

- dijeliti vrijednosti i ideale UWC pokreta (www.uwc.org);
- poznavanje engleskog jezika;
- biti aktivni/e u lokalnoj zajednici i izvannastavnim aktivnostima;
- biti spremni/e predstavljati BiH u pozitivnom svjetlu u međunarodnom okruženju.

2. UPUTSTVO ZA APLIKACIJU

Kandidati/kinje trebaju ispuniti i priložiti u sklopu online aplikacijskog formulara sljedeće dokumente (pročitajte detaljna uputstva na web stranici - “tri koraka”):

- Ispunjena aplikacija putem Survey Monkey Apply aplikacije na sljedećem linku: https://apply.uwc.org/prog/nc_bih_entry_2022/
- Ovjerena fotokopija svjedodžbe prvog razreda četverogodišnje srednje škole;

- Prijepis ocjena prvog polugodišta drugog razreda četverogodišnje srednje škole (ovjeren od strane škole);
- Uvjerenje o BiH državljanstvu;
- Skenirana kopija lične karte i/ili pasoša
- Dvije preporuku, od kojih barem jedna mora biti od profesora
- U slučaju potrebe, dokumente o zdravstvenom stanju i historiji
- Vjerodostojno ispunjen formular o primanjima roditelja sa priloženim dokazima o primanjima (ukoliko je roditelj/staratelj nezaposlen, potrebno je priložiti dokaz sa Zavoda za zapošljavanje).

***Formulari o primanjima roditelja/staratelja potrebni su za sve koledže. Na osnovu tog formulara određuje se eventualni iznos koji obitelj/staratelji treba/trebaju platiti za pojedine troškove školovanja za učenike koji prođu selekciju.**

***Svu navedenu dokumentaciju ćete imati priliku priložiti putem linka za aplikaciju.**

Vjerodostojnost preporuka će biti provjeravana! Sve lažno ispunjene preporuke značiti će AUTOMATSKU DISKVALIFIKACIJU APLIKANTA!

3. UPUTSTVO ZA ONLINE APLIKACIJU

- Nakon otvaranja linka https://apply.uwc.org/prog/nc_bih_entry_2022/, kliknuti na **REGISTER** u gornjem desnom uglu
- Na narednoj stranici unijeti potrebne podatke, i kliknuti na **CREATE ACCOUNT** na dnu stranice

- Otvoriti email adresu kojom ste se registrovali, na koju treba da dobijete CONFIRMATION EMAIL – otvoriti email i kliknuti na **CONFIRM EMAIL ADDRESS**
- Nakon verifikacije emaila, kliknuti na **CONTINUE**
- Na narednoj stranici kliknuti na **VIEW PROGRAMS**
- Za početak aplikacionog procesa, unijeti svoj profil za ispunjavanje uslova klikom na **FILL OUT ELIGIBILITY PROFILE**
- Ispuniti ELIGIBILITY pitanja. Izabrati UWC National Committee a NIKAKO UWC Global Selection Programme za apliciranje.
- Kliknuti na **SAVE MY PROFILE**
- Na sljedećoj stranici, u donjem desnom uglu možete pronaći link za UWC BiH stipendije za 2022. godinu (NC Bosnia and Herzegovina Entry 2022).
- Klikom na **MORE** otvoriće se prozor sa pozivom za aplikacije 2022.
- Link za aplikacije će biti aktivan od 23:59, 27. decembra 2021. godine. Kliknuti na **APPLY** za početak aplikacionog procesa.

4. SELEKCIJSKI PROCES:

UWC BiH selekcija sastoji se od dva kruga:

Prvi krug:

Nakon zaprimanja prijava članovi komisije provjeravaju jesu li ispunjeni uvjeti natječaja.

Svi kandidati koji ispunjavaju uslove/uvjete konkursa/natječaja, biti će pozvani da pristupe istovremenom testiranju u jednom od 4 grada širom BiH (Sarajevo, Mostar, Banja Luka, Tuzla), koji će se održati **12.2.2022. godine u 11:00 h.**

**U slučaju nemogućnosti održavanja testova u gradovima širom BiH, UWC Nacionalni komitet BiH će pravovremeno obavijestiti sve kandidate o promjenama i alternativnim rješenjima.*

U prvom dijelu selekcijskog procesa ukupni broj bodova određuje se:

- Ocjene iz srednje škole (opći uspjeh) - 50%
- Test općeg znanja (književnost, matematika, engleski, historija/povijest, društveni događaji) – 50%

Drugi krug:

Nakon obrađenih rezultata prvog dijela, komisija određuje bodovni prag sukladno statističkoj raspodjeli na osnovu kojeg se određuje broj učenika koji će biti pozvani na finalnu selekciju. Završna selekcija održat će se tokom vikenda **5. i 6. marta/ožujka 2022. godine.**

Ukupni broj bodova računa se na sljedeći način:

- Rezultati prvog dijela selekcije - 30%
- Intervju – 40%
- Grupni rad – 20%
- UWC Faktor (posvećenost UWC vrijednostima i idealima) – 10%